

陳

石

經

軍

長

本縣志承邑人

惠捐印刷費國幣

一百圓特此誌謝

柳城縣志目錄

修志略例 修志姓名

序言

卷首

圖說全縣圖
動物分佈圖

形勢圖
植物分佈圖

分區圖
礦物分佈圖

鳳山鎮街道圖 大埔最近街道圖 東泉附近略圖 交通圖 物產圖
(此欄各圖，除形勢圖外，餘因印刷費之限制，概行刪去。)

卷一

天文
星野
瘴毒

天度
禱祥

氣候
災異

卷二

地輿
沿革
嚴墓

形勢
河流

疆域
溝洫

方位
道路

面積
關梁

地質
物產

山嶺

卷三

建置
城垣
風景

烽堠
古蹟

堡壘
金石

營房
廨署

砲台
鎮鄉

交通
村街

壇廟
墟市

名勝

卷四

民事
民族
宗教

姓氏
前事

語言
職官

風俗
官績

地方自治制度
流寓

卷五

卷六 經政 農林 賦役 工商 積貯 魚鹽 郵政 水利 公營事業 貨幣

卷七 教育 學宮 社會教育 書院 賓興 學校 義學

卷八 人物 文職 武職 耆碩 科舉 忠烈 節孝 仙釋

附誌：校刊後記 藝文 列傳 碑記 序引 墓誌 呈文 祭文 告示 詩詞

柳城縣志序

志之爲言記也所以記沿革廢興盛衰臧否者在國曰史在縣曰志必蒐羅之有據庶文獻之足徵否則潦草成書材料缺乏不啻補鍋匠鑄洪盧耳柳城士風樸厚民俗敦龐大有君子學道則愛人小人學道則易使之效力物產不多儘堪供給民國十二年其英權攝斯篆維時省局分裂而閭邑民衆尙能自衛生活不至動搖迨民國二十二年其英復來重訪此邦人士則少者壯而老者衰矣然正直慈良號稱易治公餘相與討論知清代咸豐時屢遭兵燹舊志消亡噫滄桑變幻紀錄無書其奚以垂法戒而昭治理哉爰於第二次縣行政會議中提出修志一案地方人士詢謀僉同迺呈報

省政府核準備案以城內四穿樓爲辦公地址專聘謝君嗣農主任編纂兼聘李君雲衢梁君文奎全君作賓廖君明允林君景奎韓君宗儉嚴君其績陸君駿基許君碧山龍君慶堯等協理編纂進行伊始略具端倪大約成書當在一年以後茲者萍蹤靡定瓜代有期然相信此書不落空談也特敘其緣起於此以爲異日之雪泥鴻爪云民國二十三年六月 日平樂何其英石齋氏序

柳城縣志序

柳城爲縣由秦漢迄今隸版圖者二千餘年面積六千餘方里邱陵起伏厥田中中人口約十一萬左右大率來自中土文物頗有可觀史遷云江以南無千金之家亦無赤貧之人誠斯邑現象也庶從銜命來宰斯邑已歷兩稔邑紳謝君滋谷非公事不近公門迺總纂縣志書成因問序焉竊思志記也記往昔示來茲用備徵考模仿演進也縣之有志猶國之有史不讀史者不知愛其國不讀志者不知愛其鄉是以披毛戴角之類圓顛方趾之倫莫不具有同情心與自尊性此本族所以團結人羣所以聯合社會所以相通互助也謝君纂志若稽考典章表揚人物聿昭史實蔚爲國光此其意可深長思也尙願化鄉黨爲全國進郡縣爲六部大洲則同情與自尊之道至矣又嘗躑躅龍船山之陽閱紀功碑想殷正茂聲威所屆徘徊入龍江畔謁柳侯祠幸文惠侯教化未湮四望田野未盡闢學校未盡開而盜賊亦未盡弭俗吏風塵略抒胸臆曾不足發志書之凡而挈其要領鉤其玄妙也已甯弗愧歟

民紀廿五年四月上浣武宣黎庶從世柵甫謹序

柳城縣志序

錫攀到柳城之初卽承謝總纂滋谷先生以柳城縣志全稿出示檢閱終篇其有裨於所謂採風問俗者至大也斯篇之作經若干人之採訪撰述編纂校勘以底於成又經若干人爲之序其簡端揭其體例闡其宏旨可謂盛矣不敏尙何贅言願諸君子以付梓有期固請一言以爲弁爰不揣其愚以俟讀斯篇者之教益焉嘗讀唯物辯證法知在空間上全面考察事物須於其「連繫中矛盾中實質中實踐中」考察之以認識事物對立之統一與統一之分解非可劃然以一事物之單獨形式而求得事物之內容也又在時間上全面考察事物須明其「到反對物去之轉變發展卽是對立物之鬥爭由量到質之突變否定之否定」諸定律以認識事物只是變動發展之過程非可截然以一事物霎時之靜態而求得事物之生命也衡天下之事物如是讀國史方志亦莫不如是一縣之志書大抵爲區域內時空上事物之記載在空間上事物自有其統一與分解之關係此事物與彼事物之互受影響而變更充實其內容此在社會橫斷面上必然雜具之形相息息相通且不盡受區域所囿也在時間上事物自有其變動發展之程途現在事物受過去事物之託孤未來事物受現在事物之委命此在社會縱剖面上必然滾進之洪流且滔滔不絕也讀斯篇者誠能洞穿時空之隔膜用科學之腦汁溶解社會之全面不以一事物之單獨形式而忽其彼此相依爲命之內容不以一事物霎時之靜態而忘其變動發展之生命對於政治經濟文化風俗等諸部門均須求得其整個不斷之線索循是以盱衡域內之事物以啓發社會之生機則思過半矣博白高錫攀謹識 廿六年一月十七日

柳城縣志序

一峯奉命於去歲六月十二日抵縣習政接篆後檢閱圖籍睹縣志稿本殺青多年未見出版將爲蠹飽深以曩日纂輯諸公旣已傾竭其心力尙應始終其事旋晤縣參議會議長李君騰芳副議長龍君吾仁亦首以縣志亟待付印爲言惟原定僅省鈔四百元預算不敷甚鉅並詢悉曩日纂輯諸公多爲現任縣參議員商定志稿由縣府咨送縣參議會負責計劃印刷費由縣府設法籌增或向地方人士勸募或從縣款提撥事稍集隨承縣參議會以志稿行寄桂垣刊刻屬弁數語竊念縣志重要前序備言之一峯不再爲詞費當茲暴日侵凌黨國多難奸慝謠惑人心每易動搖所賴士風淳厚民俗敦龐冥漠中借禮義廉恥以維繫之使之相觀而善潛移默化而不知所以爲之曾文正言：「一命之士與有責焉者矣」鑒旣往策今茲詔來日志書之急待與地方有衆相見意在斯乎？

中華民國二十九年一月吳一峯謹序

柳城縣志序

考周禮大宗伯屬官外史掌四方之志注如晉乘楚檮杌魯春秋之類古昔諸侯領土窄狹大者如今之郡小者如今之縣記言記事恆有專書故一邑之志下爲地方譜牒傳誌持平上爲中央政府徵信洵最有價值之出版物也清道光末年外交失敗洪楊由桂平起革命軍柳城距離頗近疊經變故縣志原板遂蕩然無存不惟千百年以前之事罕得聞知卽由咸豐至民國中間八十餘年耳所有地方之政治軍事經濟文化以及民族遷徙物產輸出均無從考證斯誠輶軒使與都人士所引爲缺憾者也客歲夏月不佞奉 何縣長委任編纂縣志自知謏陋無所裨益於人羣惟值茲老成逐漸凋零一髮千鈞責任更無旁貸用本桑梓敬恭之義爲芻蕘靖獻之言函請閣縣者碩共同採訪一年以來編纂完成所自信者不樹黨不徇私不肯諛墓寒暑無間爲社會文化放一線曙光區區之意或可質諸鬼神耳至於紕漏之處仍希後之君子改而正之續而增之以此篇爲我縣志之嚆矢焉則私心所竊禱者矣

中華民國二十四年六月 日邑人謝嗣農謹序

柳城縣志序

一縣之志猶一國之史也其紀載之範圍廣狹雖有不同而足動吾人鄉土之觀念資目前之考證者則縣志實爲切近儒者徵文考獻能明國家之掌故而於故鄉之歷史地理若反茫然則其學亦難言博此縣志所以尤爲先務之急也本縣志書散失已久昔曾重價懸購終不可得不獨言文獻者考究末由且縣無志乘無文化之可言何幸年來謝君嗣農與邑中耆碩博訪窮搜編纂成書使吾柳千百年來之政教禮俗盛衰因革一旦著於簡篇其足以增後學之見聞促社會之進化裨益誠匪淺鮮也其緒外遊歸來聞之欽感亟以爭睹爲快本志蒐集材料事實確鑿證以耳之所聞目之所見已覺詳盡靡遺第近世科學發達新潮激盪人類之思想日異月新編纂者根據舊志間有一二事類跡近神權是亦存告朔餼羊述而不作之意也茲奉 省令修改期合潮流謝君仍任總纂由是撥其精華義例當較前而謹嚴矣其緒不敏愧乏新學識以貢獻惟幸縣志完成實錄可據繼已往而開來茲一縣之文化將由此而發軔歟

中華民國二十六年丁丑秋嚴其緒謹序

修志略例 五則

- 一 本志遵照國民政府內務部頒發修志事例編纂之
- 一 廣西省志於民國二十二年重修柳城設有採輯處按期報告本志此次編纂多用原稿爲根據
- 一 柳城舊志早經散失清光緒末年知縣王爲毅到處搜羅民國初年省議會議員李雲衢嚴其緒林景熙諸君登報重價懸購均未得書茲幸梁君文奎留心物色曾在友人廢篋中覓得十餘頁出以見示雖斷簡殘篇然值此文獻不足之時何啻鳳毛麟角本書稱舊志者指此
- 一 修志局於二十三年四月由何縣長其英督責成立七月後黎縣長庶從履新指導一切合併註明
- 一 本局於二十六年三月將初稿呈縣政府轉 省政府核定旋奉令頒發修志目錄並增加圖表等項由高縣長錫攀督促續修六個月結束合併註明

修志姓名

監修

柳城縣縣長 何其英

柳城縣縣長 黎庶從

柳城縣縣長 高錫攀

總編纂 謝嗣農

編纂

李騰芳 嚴其緒 梁文奎 全作賓 廖明允 蔣德昆 林景奎

韓宗儉 嚴其績 陸駿基 許碧山 龍慶堯 朱日昇

採訪


湯日初 王啓森 嚴兆頤 蔣雄 謝舉卿 全孝經 涂永日

鄧茂林 何鳳祥 謝光業 梁有璋 龍芳圃 章近光 梁聯珍

溫鈞甫 莫與琮 高虞臣 湯壽仙 杜連城 雷績卿 曾貫之

鄧子良

柳城縣形勢圖



例		圖						
○	●	回		○			三	
鎮公所	沙塘	縣城	公路	鄉公所	河流	鄉界	縣界	

柳城縣志卷之一

天文 星野 天度 氣候
瘴毒 襪祥 災異

古者天子建靈臺諸侯建觀臺皆以為窺測天文之用後世精益求精曰渾天曰蓋天曰宣夜天體祕密莫可究詰雖然善言天者必有驗於人不信異端不惑邪說如論星命而斷吉凶者亦可以已夫志天文

星野

縣屬禹貢荊州之域鶉尾次翼軫分野

天度

柳城東經一百零九度四十八分一秒北緯二十四度三十三分五秒

氣候

縣境東接中渡維容南接柳州風日清和較桂林為暖縣治則龍江融江環繞西北烏鸞青鳳拱峙東南寒少熱多以華氏寒暑計測之最熱約昇至九十八度最冷約降至三十二度

瘴毒

柳城西北多高山東南多峻嶺烟瘴間亦有之發現時多在清晨籠罩地面百步以外竟不見人俗謂朦朧清光緒末年因陸曾亞發之亂政府調武匡軍來此助剿士兵不服水土大半死亡近來城廂居

民中溼毒者亦屢有所聞然毒氣有自外入者有自內出者暑天莫露坐出汗忌當風住屋取其爽塏溝渠貴能疏通此防外邪之道也清心寡慾節飲食而慎起居此防內邪之道也至若營私舞弊作奸犯科之徒其始病中於個人其終病傳於社會哀莫大於心死是非藥物所能療治矣

襪祥災異

梁

武帝大同時八龍見於江中 龍江之得名以此

唐

太宗貞觀十七年閏六月慶雲見

宋

真宗大中祥符三年甘露降

元

成宗大德元年旱十年饑

順帝至正九年廣西兩江諸州水

明

代宗景泰元年大饑四年冬大雪

武宗正德十四年大饑

神宗萬曆三十二年六月地震四十一年大水四十五年大旱四十七年大疫

七年大疫

光宗天啓七年大水

清

順治四年大水八年大饑



康熙十一年大水二十五年大疫五十三年大水六十年饑

雍正九年慶雲見

乾隆五年二月大雨雪

道光二十五年起至二十七年止蝗蟲爲災飛滿天空大饑

咸豐元年五月彗星見於東方

同治二年大疫三年蝗蟲爲災

光緒七年六月彗星見八年旱魃爲災縣屬古砦區尤甚九年大饑

十四年三月雨雹十六年冬縣城火災知縣陳師舜捐廉賑濟難民

二十一年大旱由端陽至重陽不雨政府由粵運米至縣平糶救活

頗多二十八年大旱六月大雨河水陡漲漂沒民居損失數百萬元

是年秋大疫

宣統二年四月雨雹三年六月彗星見

民國

民國十二年暮春某日午雷霆大作霹靂一聲大球電光從明倫女
校屋角下墜有硝氣散出幸無傷害

民國十三年大水北平匯款二千六百元賑災十五年大水冬雹雨

碎沱福建會館鳳嶺砲台爲之傾圮十七年旱省府核准酌減糧賦

二十年七月大水十月東泉鎮有大黃斑虎傷人二十二年五月雨

雹頭塘鄉大埔鎮一帶狂風爲災二十三年旱汶源乾涸

柳城縣志卷之二

地輿

沿革 形勢 疆域 方位 面積 地質 山嶺
巖峯 河流 溝洫 道路 關梁 物產

地理之學為古所重昔漢破關中蕭何先入丞相府收檢圖籍然後備知天下阨塞戶口多少強弱晉司空裴秀作禹貢地域圖十八篇序曰制國之體有六曰分率曰準望曰道里曰高下曰方邪曰迂直蓋各因地而制宜也柳城東西距一百五十里南北距一百一十五里在廣西列三等縣雖屬偏小然物產豐富交通便捷東泉大埔有繁盛之商場古砦洛崖多勤勞之工友生斯土者本眷懷井里之心為轉移風俗之計行見桑麻遍野庠序如林斯地方之厚幸也歟志地輿

沿革

全國以柳城名其縣者凡四一在今河南西華縣相傳鄧艾營稍陂時用柳舒為陂長後人因目為柳城隋置柳城縣於此二在今熱河凌雲縣即後魏及唐之營州遼之中興府三在今新疆鄯善縣唐初名柳中縣後改柳城縣出大川渡流沙當火山之下有城屹然四在今廣西柳州之上游即本志之柳城也綜而論之河南之柳城是人傑而地靈也熱河新疆之柳城或受人壓迫或被回族欺凌白頭宮女說玄宗何堪回首獨本志之柳城山河無恙城郭猶新將來交通便利愈進文明惟以古為鑒可知興替前事不忘後事之師則過去之因革正今日之借鏡也歟

柳城沿革表

柳城縣志地輿

秦 桂林郡屬地秦亡後屬南越王趙陀

漢 潭中縣屬鬱林郡

三國 桂林郡屬地

南北朝 宋齊俱潭中縣屬桂林郡梁置龍城縣屬始安郡陳屬始安郡

隋 開皇中改稱桂州屬始安郡

唐 武德四年置龍州於此又分置柳嶺縣貞觀七年廢龍州而以縣歸柳州屬

五代 仍唐制

宋 真宗景德三年改為柳城縣度宗咸淳初移柳州府治於此

元 合馬平柳城維容三縣為柳州路治柳城

明 徙柳州路治於馬平而以縣屬之

清 仍明制

民國 初年廢府而以縣屬柳江道民國十年後直屬廣西省

謹案縣治位於龍江東岸自元至今年約六百年龍城廢縣在縣南梁大同三年置隋開皇八年徙治江北唐因之宋曰柳城元

移於龍江東北即今治也舊無城垣明憲宗時築堊以磚周不

及二里柳嶺廢縣在縣西南唐武德四年置縣屬龍州貞觀七

年廢併入龍城縣

形勢

柳城居柳州上游形勢雄偉烏鸞山聳起而高為天然屏障與青鳳山隔江對峙宛如人家門戶加以勒馬顯躍於前伏虎穩踞於後互相拱護崇山峻嶺雖有無多大奸宄無從窺匿然東南接柳維西北接宜融如黃泥北集落魄金灘等原係往來要衝設使伏莽潛滋則

各鄉村俱懼其害亟宜思預防者也守土官苟能崇本抑末訓俗型方庶幾久安長治之策耳舊志

疆域

水程上至融縣界一百一十里下至柳州縣界五十里通輪船俗稱大河又上至宜山縣界七十里通帆船俗稱小河
陸程東至雒容縣界七十里西至宜山縣界八十里南至柳州縣界四十二里北至融縣界七十三里東南至柳州雒容兩縣界五十二里東北至中渡融縣界六十四里西南至柳州宜山兩縣界四十里西北至羅城縣界六十五里

方位

柳城縣略偏於本省北部縣治則偏於縣境之南當北緯二十四度三十三分五十分東經一百零九度二十三分

面積

本縣全境土地面積計有五千三百零二方里佔本省面積百分之零八九其中石山佔一千一百九十七方里佔全縣面積百分之二三、五八

地質

縣境地質下石炭紀粗砂岩分布於沙埔圩及大埔圩一帶以大埔南之燕子岩露頭最為清晰故又名燕子系寺門煤系散見於牛嶺圩太平圩以北地域此外二疊紀石灰岩分布最廣縣城以東尤為發育與馬平石灰岩相當又稱馬平石灰岩

山嶺

本縣山嶺罕有越出海面七百米突者較著者大都為燕子系岩層構成因其位置之所在分為兩組於下

(一)東南組自雒容之西邇迤於縣城東南縣互數十里北至東泉圩之南隔東泉上雷平原與中部山地相望南至柳江西北岸及柳州邊界廣約十餘里最高峯拔海五百公尺

(二)中部組起伏於境中部縣城上雷東泉以北大埔沙埔以南三塘圩以東直至中渡邊境縱橫各二三十里為柳河及其支流沙埔江所交切割分為數部並造頭塘圩至大埔圩及由沙埔至沙埔河口之兩峽谷

烏鸞山城南二里形如鳳凰展翅大江環繞而流下有深潭澄清可愛側面峭壁懸崖石質深黑故名

文筆山城北五里上銳似筆堪與家言主閣縣文風舊志

牛軛山城東南三里山崗有路可通柳州山脈牽連大峒小峒北鄉峒等長三十里

雲蓋山城西二十五里高大峻聳雲起時橫覆如蓋舊志

羊角山縣西北十七里形如羊角

甘羅山在縣西北頭塘鄉

筆架山城東十里與造化巖並峙

勒馬山城西隔河十里唐時縣治在此山麓其形曲轉如勒馬然

螺螄山城南六里附近有橫山

伏虎山城東北八里形似伏虎附近有一山似驢一山似驛并峙而立舊志